



mjesečni Bilten

omladinska mreža bosne i hercegovine

septembar
rujan
2016.

208

Dragi prijatelji/ce,

Predstavljamo vam septembarsko izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **181** organizacija i **115** pojedinaca iz **75** mjesta BiH. Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ

Aktivnosti u septembru 2016.	2
Planovi za oktobar 2016.	5
Aktivnosti članova mreže.....	6
Saopštenja/informacije/donatori/pozivi	22

Uživajte u čitanju!

AKTIVNOSTI ORC/HCA U SEPTEMBRU 2016.

Omladinska grupa ORC Tuzla

DARE TO STAY!

Nakon radionica koje smo proveli sa mladima u mjesecu avgustu na temu prvih i lakših koraka ka pronalasku posla, u mjesecu septembru Omladinska grupa ORC Tuzla odradila je još dvije velike aktivnosti sa ljudima koji su od velike važnosti za omladinske politike, naročito u domenu nezaposlenosti mladih.



Okrugli stol "Mogućnosti i perspektive zapošljavanja mladih"

Pored mladih prisustvovali su i predstavnici ministarstava, službi za zapošljavanje i potencijalni poslodavci. Donešeni su bitni zaključci za sve prisutne mlade. Mladi su se upoznali sa programima i podsticajima koje mogu ostvariti u Gradu Tuzla, te zajedno sa prisutnima se složili da veliki udio u pronalasku posla igra i mobilnost mladih, kao i njihova zainteresovanost za svakodnevno usavršavanje i rad na sebi.



Javna tribina „Garancija za mlade“

U popularnom okupljalištu za mlade „Urban Beatz Lounge bar“ organizovana je javna tribina pod nazivom "Garancija za mlade" koja je okupila mlade iz Tuzle i kandidate za gradonačelnika na predstojećim izborima.

U toku 2 sata, koliko je javna tribina trajala, mladi su imali priliku da čuju viđenje kandidata o problemu nezaposlenosti, te njihove stavove da li mladi u Tuzli trebaju ostat, ili ići u potrazi za boljim životom. Posebno interesantan je bio dio kada su mladi iskoristili priliku da postavljaju pitanja kandidatima.

Javna tribina je održana u sklopu projekta "Dare to stay", koji za cilj ima ohrabrivanje mladih da ostanu u Bosni i Hercegovini. Projekat je podržan od strane Evropske komisije.

Cijelu tribinu možete pogledati na linku: <https://www.youtube.com/watch?v=DrYL5pQoJy0>

Omladinski resursni centar se zahvaljuje kandidatima koji su se odazvali javnoj tribini i pružili priliku mladima za razgovor:

- *Bahrudin Bato Hadžiefendić* - Kandidat SBB/SDA za gradonačelnika Tuzle
- *Zlatko Berbić* - Nezavisni kandidat 2016
- *Adnan Burina* - Naša stranka
- *Alen Gadžo* - Kandidat DF za gradonačelnika Tuzle
- *Elmir Mujkanović* - nezavisni kandidat
- *Amira Malkočević* - Kandidatkinja TA za gradonačelnicu Tuzle



NEDOVOLJAN 1

Omladinska grupa je početkom mjeseca septembra započela sa realizacijom projekta "Nedovoljan 1".

Aktivnosti ovog projekta su 3 modula radionica, koje su se realizovale u prostorijama Doma mladih Tuzla.

Edukativno-interaktivne radionice na čijoj su realizaciji radili naši omladinci imale su za cilj upoznati mlade sa pojmom maloljetničke delinkvencije, stereotipa, predrasuda, diskriminacije, nenasilne komunikacije, volonterizma i prava i dužnosti učenika. Nakon završenog teoretskog uvoda, mladi su imali priliku da koriste forum teatar kao platformu za rješavanje sukoba i bolje razumijevanje tematike radionica.



Tokom radionica učesnici su davali prijedloge za preveniranje delinkventnoga ponašanja, na koji način vršnjaci mogu uticati jedni na druge, šta škola može i treba uraditi ukoliko dođe do delinkventnog ponašanja. Razbijali smo predrasude o drugima i drugačijima, te smo učili na koji način pristupiti konfliktnim situacijama i kome se obratiti za pomoć. Kroz module je prošlo preko 70 educiranih mladih ljudi na pomenute teme, koji su sa radionica otišli motivirani za daljni rad i napredovanja kako na samima sebi tako i na cjelokupnom društvu u kojem se nalaze.

U prvoj polovini mjeseca oktobra realizovaće se i završna manifestacija, na kojoj će biti podijeljeni certifikati i zahvalnice, te prikazan petnaestominutni film o projektu.

Veliko hvala donatoru projekta Institut za razvoj mladih KULT, koji je prepoznao kvalitetu našeg rada i projekta.

YOUTH EXCHANGE – BARCELONA - SARAJEVO

Početkom mjeseca septembra u Barseloni je održana razmjena studenata i srednjoškolaca sa ciljem boljeg upoznavanja kulture i tradicije ova dva naroda među mladima. Mladi su tokom 7 dana druženja imali priliku posjetiti sve važnije znamenitosti u Barseloni i okolini, te bolje razumjeti način života i tradiciju u Španiji, naročito Kataloniji.



Naredni korak ove razmjene je dolazak učesnika iz Barselone u Sarajevo naredne godine u mjesecu aprilu, gdje će bosanskohercegovačka grupa imati priliku upoznati goste sa svojom kulturom i tradicijom, te prirodnim bogatstvima naše države.

Nakon pauze u mjesecu julu, Omladinska grupa ORC Tuzla je nastavila sa aktivnim radom u našem gradu. U ovom trenutku pred našim Omladincima su dva projekta koja su u realizaciji. U toku mjeseca avgusta Omladinska grupa je održala i dva sastanka, na kojima su okupljeni članovi planirali nastavak aktivnosti za ovu godinu.

REDOVNE AKTIVNOSTI ORC I HCA TUZLA:

Tokom septembra radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte za ovu godinu.

PLANOVI HCA/ORC-A ZA OKTOBAR 2016.

- Sprovođenje redovnih aktivnosti kroz Omladinsku mrežu BiH;
- Održavanje završne manifestacije projekta „Nedovoljan 1“;
- Aktivno učešće u međunarodnoj ALF mreži, održavanje i logistička podrška ALF Mreži Bosne i Hercegovine;
- Pripreme za organizovanje godišnjeg sastanka ALF mreže BiH;
- Promocija regionalnog Izvještaja o Povjerenju građana Zapadnog Balkana i Turske u javne institucije (Banja Luka, početak oktobra), u saradnji sa SeCons Beograd i hCa Banja Luka;
- Učešće na ALF Med Forumu 2016 – Valletta – Malta, 23. – 25. Oktobar;
- Početak aktivnosti na partnerskom projektu „**Crew from the hood – Messages from province**“, sa partnerima iz Srbije (Forum građanske akcije – FORCA Požega) i Crne Gore (NGO Fenomeni Kolašin).

AKTIVNOSTI ČLANICA OMLADINSKE MREŽE BiH



Omladinski klub "DIJAMANT"

Ul. Bučići 42, 70101 Jajce
Tel./fax: +387 30 279 444, +387 61 179 209, +387 63 366 811
E-mail: m.sekib@bih.net.ba
WEB: www.oed-dijamant.net, www.dijamantmoda.com



Jedan u nizu projekata koje realizuje "Omladinski klub Dijamant" je projekat "Kulturni dani kroz manifestaciju 2016 dani našeg povratka" a implementira se kroz planirane projektne aktivnosti s ciljem afirmacije povratnika i veće podrške djeci i mladima, a kroz omladinski i građanski aktivizam. Projekat se sufinansira od strane Federalnog ministarstva kulture i sport. Ciljevi projekta su: organizacija program obilježavanja datuma našeg povratka na svoja ognjišta, jačanje kapaciteta folklorne sekcije, povećanje aktivnog učesća mladih u zajednici, jačanje kapacitete mladih. Projekat će trajati pet (5), mjeseci, a biće obuhvaćena djeca, mladi i građani podjednako ženskog i muškog spola bez obzira na bilo kakvu pripadnost.



U cilju ostvarenja cilja, provest ćemo slijedeće aktivnosti: promocija projektnih aktivnosti, održavanje radio informativne emisije, edukativne radionice, organizacija kulturnog programa, promocija igara, pjesama, štampanje plakata, poziva, letaka i izlet za sve učesnike projekta. ■



NGO "EKO Leonardo Youth Club"

Ul. Priboj bb, Lopare - Priboj 75249

Tel.: +387 65 474 893, +387 65 538 494

E-mail: mikicarock@yahoo.com; ekoleonardo@hotmail.com

Web: www.eko-leonardo.info

NVO „EKO-Leonardo“ strateški je usmjerena na razvoj omladinskog i ekoturizma, zaštiti biodiverziteta uz omladinski aktivizam i kreativnost mladih kroz održiva rješenja za dobrobit lokalnih zajednica u kojima djelujemo. Osnovani smo 2006. godine tako da u 2016. obilježavamo desetogodišnjicu rada kroz sledeće projektne aktivnosti:

Projekat: „Razvoj omladinskog turizma kroz jačnje kapacitea EKO-kampa Majeвица“ je podržan od Ministarstva trgovine i turizma RS po javnom konkursu na temu sufinansiranje projekata razvoja novih turističkih proizvoda, u iznosu od 10.000 KM.

Generalni cilj projekta: Upotpunjavanje turističkih sadržaja i podsticaj održivog razvoja omladinskog turizma na području regije Majeвица.

Ovim projektom se želi stvoriti ambijent turističkog sadržaja na etno-ekološkim principima u duhu podneblja koji bi bili jedan poseban zamajac razvoja i ostalih grana privrede ovog područja.

Razvoj omladinskog i ruralnog turizma u zoni EKO-kampa Majeвица stvara nove mogućnosti:

- Otvara lokalne zajednice prema posjetiocima;
- Bazira se na tradiciji, kulturi, zdravoj hrani, zdravom životu, novim saznanjima i „stress-free“ okruženju.

Youth Microprojects je finansiran od češke ambasade u BiH <http://www.mzv.cz/sarajevo> a EKO-Leonardo ga implementira u partnerstvu sa ekološkom organizacijom SEVER iz Češke.

Glavna ideja projekta je inspirisana projektom kojeg mi već radimo preko 10 godina pod nazivom „Škole za odživ razvoj“. Glavni cilj projekta je da se poboljša kvalitet života i okoliša u opštini i da se u isto vrijeme prenese znanje kako-šta, te vještine i stav studentima/mladim ljudima (ponekad i učiteljima i drugim učesnicima) u opštini kroz mapiranje, identifikiranje i snimanje problema ili potreba u zajednici. Ovi projekti su u prošlosti i do sada uključivali napredak u različitim javnim sferama. Alat za mogućnost da tako nešto urade je edukacija u projekt menadžmentu, timskom radu i osnovama planiranja zajednice. Zajedno smo željeli da nađemo i uspostavimo "2 projekt tima" mladih ljudi u opštini Lopare i jednu na području opštine Teočak. Svaki projekt tim ima najmanje 10 učesnika koji su odabrali prioritete u svojoj sredini. Za Teočak je izgrađena školska bina-pozornica a u Priboju je uređen školski park.

„EKO-kamp Majeвица-održiva turistička destinacija“ je projekat sufinansiran od fondacije Mozaik, donacija i dotacija fizičkih i pravnih lica-biznis sektora kao segment filantropije u zajednici ali i kao jedan oblik socijalnog preduzetništva u zajednici.

Regionalna akademija održivosti je dio projekta SIGN za održivost koji realizuje SIGN, mreža lokalnih fondacija sa Zapadnog Balkana iz Fondova EU. Projekat organizacijama civilnog društva nudi vještine i znanja ključna za njihovu održivost.

Svrha projekta je ostvarivanje dodatnih prihoda i jačanje kapaciteta omladinskog eko-kampa Majeвица i u 2016. godini u cilju održivosti da bi u strateškom planskom periodu dostigao standarde i dobio određenu kategorizaciju kampa.

Očekivani rezultati:

1. Izgrađeni turistički sadržaji za potrebe EKO-Kampa „Majeвица“ do početka ljetne sezone 2016. godine; Izgrađena recepcije kampa/scout gate, Izgrađena kućice na drvetu/tree house, Ograđivanje kampa;
2. Uobličena održiva pejzažna arhitektura kroz pošumljavanje i ozelenjavanje prostora;
3. Proširena i ojačana međusektorska saradnja u lokalnoj zajednici oko zajedničkog cilja;
4. Mobilisani lokalni resursi, volonterski angažmani i promovisan značaj volonterizma za dobrobit društvene zajednice;
5. Osigurana vidljivost i promocija KAMPA kroz promo materijal i završnu konferenciju na kojoj će biti obilježena decenija rada.





OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH
Tel./Fax: +387 49 211 032
E-mail: svitac@gmail.net
Web: www.svitac.org
FB: www.facebook.com/omladinska.svitac

Dnevne radionice

Omladinska organizacija Svitac je u septembru nastavila sa svakodnevnim aktivnostima. Učesnici su podijeljeni na dvije grupe, uzrast 4-7 godina svakim danom od 11:00-13:00, a uzrast 8+ od 14:00-15:30 časova. Grupa sa mališanima je ovog mjeseca pravila zajedno sa međunarodnim volonterima svemirske brodove, male autiće, bojili su radne listove sa figurama delfina i ostalih morskih životinja i omiljene likove iz crtanih filmova, te su vježbali i ponavljali kako napisati broj 1 i 2, jer su se u međuvremenu grupi priključili novi učesnici koji ne znaju brojeve. I ovaj mjesec su radili na tehnikama crtanja vodenim bojama, te su koristili flomastere, masne i drvene bojice. Šejkeri od malih plastičnih flaša su se koristili i u septembru za kreativni i muzički dio aktivnosti, te za ritmičke vježbe i rad u grupi. Grupa je takođe vrijedno vježbala tekst i melodije raznih pjesmica na engleskom jeziku prilagođene njihovom uzrastu, a posebno pjesmicu "Rainbow", gdje su naučili da koriste znakove za komunikaciju sa ljudima koji imaju poteškoće sa sluhom i govorom. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, takođe da razviju motoriku i poštovanje prema drugom i usvoje lijepo ponašanje. U septembru je do 25 učesnika pohađalo jutarnje kreativne radionice.



Poslepodnevna grupa prati raspored koji je svaki dan drugačiji, pokušavajući obuhvatiti što više različitih tema i aktivnosti. (uzrast 8+).

Ponedjeljkom je na rasporedu kreativna radionica i kreativno izražavanje, koristeći i dalje materijale iz okruženja, kao što su grane i kamenje. Ovaj mjesec grupa je radila na novim tehnikama bojenja koristeći ljepilo, so i vodene boje, te su pravili muzički instrument kastanjete od papirnih tanjura i plastičnih čepova, takođe su bojili i crtali mandale. Utorkom su radionice engleskog jezika, komunikacija, izgovor, te razne igre koje pospješuju učenje stranog jezika u grupi. Grupa je takođe i ovaj mjesec pored gramatičkih zadataka vježbala komunikaciju na engleskom jeziku na temu "Summer holidays" i koje stvari nosimo na putovanje, nazive država koje se nalaze u Evropi, te igru sa Korzike. Srijeda je dan za učenje osnova njemačkog jezika i vježbanje usmene komunikacije. Ovaj mjesec je jedna od tema bila i tema "Restoran i narudžbe u restoranu", vokabular hrane i pića. Na kreativnom dijelu jezičkih radionica učesnici su pravili od kolaž papira i ljepila vlastiti meni koristeći novi vokabular. Svakog četvrtka je grupa učesnika podijeljena u dvije manje i učesnici imaju mogućnost da izaberu jednu od sportskih aktivnosti: tenis, badmington ili odbojku, ili neku od stanica sa mini igrama takmičarskog duha.

Petkom su na rasporedu muzičke radionice gdje muzički koordinator *Sanjin Vošanović* zajedno sa međunarodnom volonterkom *Monicom Reeves* radi na motorici i ritmičkim vježbama uz pomoć boom whacersa. Preferira se rad u grupi i u paru, a trenutno se radi na kompoziciji „The eye of the tiger“.

Radionice se održavaju u Omladinskom centru Brčko distrikta. Koordinator radionica u septembru je *bila Slađana Bašić* uz asistenciju lokalnih i Weltwaerts i EVS međunarodnih volontera *Alexandera Likica* i *Anne Bonitz* iz

Njemačke, te *Monice Reeves, Eleonore Pearson, Catherine Rolley* i *Trang Pham* iz Velike Britanije. Broj učesnika starije grupe je trenutno između 20 i 25 učesnika. ■

Jezičke radionice

Kursevi engleskog i njemačkog jezika su počeli ponovo da se održavaju od septembra. 35 studenata trenutno pohađa ove kurseve i podijeljeni su u tri grupe (Početni 1, Početni 2 za djecu i odrasle i Srednji 1 za djecu). Svaka grupa ima dva časa sedmično u trajanju od sat i po, a časovi se održavaju u prostorijama Omladinske organizacije Svitač i Omladinskom centru Brčko distrikta. Starost studenata je od 8 do 35 godina. ■

„Pričajmo njemački“ – radionice komunikacije na njemačkom jeziku sa izvornim govornicima

Radionice njemačkog jezika se održavaju svakog četvrtka u prostorijama Omladinskog centra Brčko distrikt od 17:30-20:00 časova. Zbog velike zainteresovanosti i različitih nivoa poznavanja jezika i gramatike, učesnici su podijeljeni u dvije grupe, naime u grupu za početnike (novi A1) i napredne (A2, B1, B2). Radionice komunikacije na njemačkom jeziku su namijenjene za sve koji žele naučiti osnove gramatike, ali i usavršiti već postojeće znanje i steći nova iskustva i poznanstva. U septembru su grupe na svim levelima nastavile rad na tekstovima prilagođenim njihovom poznavanju njemačkog. Koordinator projekta su međunarodni volonteri iz Njemačke *Anne Bonitz* i *Alexander Likic*. Radionice je u septembru pohađalo ukupno 15 učesnika (tri grupe). ■

„I love English“ – radionice komunikacije na engleskom jeziku sa izvornim govornicima

Radionice engleskog jezika se održavaju svake srijede u prostorijama Omladinskog centra Brčko distrikt od 19:00-20:00 časova. Radionice komunikacije na engleskom jeziku su namijenjene za sve koji žele naučiti osnove gramatike, upotrebu svakodnevnih fraza i drugih elemenata, ali i usavršiti već postojeće znanje i steći nova iskustva i poznanstva. U septembru su učesnici radionica radili na komunikaciji i debatama sa različitim temama. Koordinator projekta je međunarodna volonterka iz Velike Britanije *Monica Reeves*, a asistent je *Eleonore Pearson*. Radionice je u septembru pohađalo 10 učesnika. ■

Dramske radionice

Projekat „Dramske radionice“ za mlade ljude se održava svakog utorka u prostorijama Omladinskog centra Brčko distrikt od 19:30-21:00 časova. U toku septembra dramska grupa je imala više sastanaka i veći broj radionica, kako bi diskutovali o individualnom radu na scenama i tekstu komada „**Ne mora uvijek biti Šekspir**“. Takođe su intenzivno radili na pojedinim scenama i na pripremama za finalnu predstavu koja je održana 26. septembra u Omladinskom centru Brčko distrikta. Koordinator projekta je *Anne Bonitz*, međunarodna volonterka iz Njemačke. Dramske radionice u septembru je pohađalo 15 učesnika, uzrasta 16+. ■

Ljetni kampovi 2016

Omladinska organizacija Svitač je u zadnjoj sedmici augusta organizovala „**Ljetne kampove**“ (kreativni, muzički i jezički kamp) za djecu i mlade sa područja Brčko distrikta. Sve aktivnosti su se održavale u Omladinskom centru Brčko distrikt od 10:00 do 12 :00 časova. Kamp je trajao od 22. 08. do 26. 08. 2016 sa finalnom završnicom i eventom „**Dječiji Dan**“ 27.08. 2016. Program za „**Dječiji Dan**“ je počeo u 12 :00 časova, a pozvani su roditelji i prijatelji svih učesnika, kada se prezentovalo šta su naučili na muzičkom i jezičkom kampu i pokazali model grada napravljen po uzoru sedam kontinenata i njihove različitosti. Održan je kratki muzički program učesnika Omladinske organizacije Svitač, izložba crteža i radova, te razne takmičarske igre i Bingo (tombola). ■



Kreativni kamp

Tema na kreativnom kampu je bila „7 kontinenta – 1 svijet“. Učesnici su prvenstveno imali priliku da kroz druženje i igru nauče više o geografiji, različitim zemljama, njihovoj kulturi, hrani i običajima, jedinstvenim za svaku od njih. Materijali koji su se koristili su: plastične flaše i kanisteri, karton, plastične vreće, bambusovi štapovi, makaze, ljepilo, olovke, papiri, glina i plastelin, boje u spreju i razne druge vrste boja i tempera. Uzrast učesnika je 7+. Koordinator kreativnog kampa je bila *Edina Vošanović* a asistenti međunarodni volonteri iz Velike Britanije *Eleonore Pearson*, *Trang Pham Hong*, te međunarodna volonterka iz Austrije *Vanessa Brumen*. Lokalna volonterka koja je pomogla za vrijeme kampa je bila *Maja Tomić*. ■



Muzički kamp

U sklopu muzičkog kampa učesnici su u toku 5 dana (22. 08. - 26. 08. 2016. godine) koristeći muzičke instrumente i plastične kante uvježbavali kompoziciju koju su prilikom otvaranja „Dječjeg Dana“ 27.08. 2016. izveli pred publikom. Na radionicama je učestvovalo 11 djece u dobi od 12 do 16 godina, a održavane su uz pomoć dva EVS međunarodna i jednog lokalnog volontera. Osim uvježbavanja ove kompozicije, radionice su se sastojale od pažljivo odabranih i uz ritam usko vezanih igara, i jednog kreativnog dijela, na kojemu su učesnici pravili od kartona, metalnih dijelova i plastičnih čepova muzičke instrumente. Koordinator muzičkog kampa je bio *Sanjin Vošanović*. Sve aktivnosti muzičkog kampa održavane su u Omladinskom centru Brčko distrikt od 10:00 do 12:00 časova. ■



Jezički kamp



Učesnici jezičkog kampa su ove godine imali priliku da prisustvuju radionicama engleskog, italijanskog i njemačkog jezika. Tokom radionica jezičkog kampa djeca su naučila i usavršila vokabular vezan za godišnja doba (ljetno i zimu), godišnje odmore i sportove, odijevne predmete. Također su naučili osnove italijanskog jezika i glavne znamenitosti i obilježja država u kojima je engleski maternji jezik. Na radionicama jezičkog kampa su učestvovala djeca od 10-15 godina i grupa djece od 4-7 godina. Radionice su održavane uz pomoć EVS međunarodnih volontera i četiri lokalna volontera. Grupa djece od 4-7 godina je najviše radila kreativne radove vezane za teme jezičkog kampa. Koordinator jezičkog kampa je bila Slađana Bašić a asistenti EVS međunarodni volonteri (*Christian Mannell, Vanessa*

Brumen i Jonas Kiesner) i lokalni volonteri (*Matea Brkić, Nadja Selimi, Ines Močević i Katarina Mirković*).

Radionice jezičkog kampa održavane su u Omladinskom centru Brčko Distrikt, od 22.08. - 26.08.2016. godine od 10:00 – 12:00 časova.

FutureShorts – večer kratkog filma

U petak 26.08. u 20:00 časova u Omladinskom centru u Brčkom je održan dvanaesti FutureShorts film festival. Filmsko večer je omogućila Omladinska organizacija Svitač uz podršku Firefly International-a. U program je uvršteno sedam kratkometražnih filmova iz SAD-a, Velike Britanije, Rumunije, Belgije, Čada, Gruzije i jedan muzički video. Pobjednik ljetne sezone FutureShorts-a u Brčkom je belgijski film „Partner“ (režija: *Antoine Giorgini*).

U Omladinskom centru je takođe u okviru filmske večeri održano interkulturalno večer kada su međunarodni volonteri iz Velike Britanije, Njemačke i Austrije pripremili prezentacije i zakuske karakteristične za zemlje iz kojih dolaze.



Međunarodni dan mira

Povodom Međunarodnog dana mira 21.09., Omladinska organizacija Svitač je organizovala kreativne radionice za dvije grupe učesnika. Cilj radionica je bio da se promovise važnost svjetskog mira, stabilnost i sigurnost, te važnost saradnje i timskog rada.

Mlađi učesnici su imali priliku praviti bijele golubove od papira kao simbole mira i razumijevanja, dok su stariji pravili postere sa porukom „Mi biramo mir i bijelog goluba“.

Za oktobar se planira nastavak svih redovnih radionica Omladinske organizacije Svitač.





Omladinski centar za kreativnost i inicijativu – OCKI

Ul. Donje Vodičeve bb, 79220 Novi Grad

Tel: +387 52 751 020

E mail: info@ocki.info, helena.kreca@gmail.com, dijana@ocki.info

Web: www.ocki.info

Facebook: www.facebook.com/ocki.donjevodicevo

Lokalni volonterski servis Novi Grad koji je u sklopu Omladinskog centra za kreativnost i inicijativu (OCKI) realizovao je aktivnost pod nazivom „Renoviranje dječijeg igrališta“ u Donjem Vodičevu, aktivnost koju realizuje u sklopu „Formiraj lanac“ kao jedna od članica Volonterskog servisa Republike Srpske uz podršku Ministarstva porodice, omladine i sporta.

Sanacija igrališta je podrazumijevala košenje i uređivanje terena, ljuštenje stare boje sa konstrukcija i nanošenje nove, kupovina i postavljanje novih ljušćarki, punjenje starih guma betonom koje će oivičiti dovežen sitni pijesak u kojem se djeca obožavaju igrati. U sklopu igrališta su i dvije klackalice, kao i koš za košarku.



Aktivnost je realizovana u periodu od 19-26. septembra ove godine. Aktivnosti su realizovane u još devet (9) lokalnih zajednica (LVS-ova) Gradiška, Prijedor, Trebinje, Bijeljina, Gacko, Srebrenica, Derventa, Laktaši i Banja Luka.

- Gradiška: „Ljepši kej za ljepšu djecu“- sanacija keja na Savi;
- Gacko: „Pomoć starim i nemoćnim osobama koje žive same, bez potomaka“- paketi pomoći;
- Derventa: „Inventura arhitektonskih barijera u Derventi“- radionica;
- Prijedor: „Kad se ruke slože“ sanacija dječijeg igrališta u mjesnoj zajednici Pećani;
- Srebrenica: „Volonteri za zajednicu“, farbanje ograde i uređenje školskog dvorišta OŠ „Kosta Todorović“ Skelani;
- Novi Grad: „Renoviranje dječijeg igrališta“ u Donjem Vodičevu;
- Trebinje: „Promocija humanih vrijednosti“, radionica o volontiranju i promociji humanih vrijednosti;
- Bijeljina: „Uljepšajmo im igralište“, sanacija igrališta predškolske ustanove „Čika Jova Zmaj“ ;
- Laktaši: „Volonter – Mali bibliotekar“, sanacija odjela za djecu u biblioteci „Veselin Masleša“;
- Banja Luka: „Rekonstrukcija česme u parku Mladen Stojanović“.

Prednost ove akcije je ta što nije identična u svim gradovima, što je svaki LVS identifikovao problem u svom gradu koji se ovom aktivnošću može riješiti ili barem ublažiti i skupa sa volonterima ostaviti vidljiv trag u zajednici. ■





Institut za razvoj mladih KULT

Ul. 4. viteške brigade 34-36 BA, 71210 Ilidža, Sarajevo

E-mail: kult@mladi.org

Tel.: +387 33 778 778; Fax: +387 33 778 779


Web: www.mladi.org

Privreda na izdisaju - Manja izdvajanja i kašnjenja u isplati glavna karakteristika dodjele budžetskih poticaja!

Institut za razvoj mladih KULT u septembru je objavio rezultate „Analize budžetskih poticaja privredi u BiH s prijedlogom mjera za unapređenje procesa dodjele“, prema kojim zbir ukupnih izvršenih poticaja privredi, i bespovratnih i kreditnih, u 2013. i 2014. godini iznosi oko 590 miliona KM, pokazali su rezultati koju je uradio Institut za razvoj mladih KULT. Prema rezultatima analize oko 330 miliona KM izdvojeno je u 2013. i oko 260 miliona KM u 2014. godini. Rezultati pokazuju da je došlo do smanjenja iznosa izvršenih poticaja u 2014. u odnosu na 2013. godinu za 19,5%. Također, primjetan je nesrazmjer između planiranih i izvršenih sredstava budžetskih poticaja privredi, pri čemu je procenat izvršenih sredstava u odnosu na planirana u 2013. godini iznosio 83,3%, a u 2014. godini 79,5%. Podaci ukazuju i na velika kašnjenja pri isplatama, odnosno plaćanje velikog dijela sredstava vrši se van budžetske godine. Sektor koji ima najveći procent učešća u ukupnim poticajima privredi u obje godine je **poljoprivreda (54%)**, a nakon nje slijedi **industrija (18%)**. **Usluge učestvuju sa 11%, razvoj preduzetništva i obrta sa oko 5%, turizam sa 0,5%, dok je 9% neklasificiranih sredstava.** Istraživanjem su ispitani i stavovi predstavnika privrede o perspektivnim granama privrede u cilju cjelovitog sagledavanja i razmatranja gdje kreditna i bespovratna sredstva za podršku privredi, treba da se usmjeravaju. Privrednici smatraju najperspektivnijom energetiku, nakon čega slijedi poljoprivreda, industrija, turizam, preduzetništvo i obrt, te usluge.

Analizom je predloženo 11 mjera za poboljšanje procesa dodjele budžetskih poticaja privredi:

- prije dodjele budžetskih poticaja privredi potrebno je provesti analizu stanja privrede i njenih realnih potreba;
- proces dodjele budžetskih poticaja privredi potrebno je planirati uz javne konsultacije sa svim relevantnim akterima;
- pri dodjeli budžetskih poticaja privredi potrebno je uzeti u obzir strateška opredjeljenja predmetnog nivoa vlasti i definirane perspektivne grane privrede;
- potrebno je vršiti koordinaciju dodjele poticaja s drugim nivoima vlasti, s ciljem usaglašavanja mjera koje se preduzimaju;
- transparentnost procesa dodjele je potrebno osigurati kroz pravovremeno raspisivanje javnih poziva, te unapređenje kriterija za dodjelu;
- potrebno je formirati međuresorna tijela za praćenje dodjele poticaja i procjenu učinka dodijeljenih poticaja, s ciljem pojačane kontrole, te redovno i transparentno izvještavati o dodjeli poticaja i postignutim rezultatima;
- primjenjivati dokazana rješenja iz domaće i međunarodne prakse kada je riječ o dodjeli poticaja;
- fokusirati se na kvalitet projekta kojem se dodjeljuje poticaj i dati mu prednost nad formalnim uvjetima;
- povećati izdvajanja ukupnih sredstava za poticaje, realno planirati sredstva i pravovremeno isplatiti poticaje;
- utvrditi sistem odgovornosti i sankcioniranja i za odgovorne institucije i za korisnike;
- u procesu apliciranja na budžetske poticaje potrebno je osmisliti posebne programe, uvjete i olakšice za malu privredu.



Detaljnije podatke je moguće pronaći u cjelovitom dokumentu „Analiza budžetskih poticaja privredi u BiH s prijedlogom mjera za unapređenje procesa dodjele“ koji je dostupan na linku: <http://mladi.org/url/b5>

Trenutno je u toku prikupljanje podataka o dodjeli budžetskih poticaja privredi za 2015. godinu.

Istraživanje se provodi kao dio inicijative „Poslovni prostor BH“, a u okviru Projekta održivosti civilnog društva u Bosni i Hercegovini (CSSP), koji realizuju Centri civilnih inicijativa (CCI) i Centar za promociju civilnog društva (CPCD), a koji je podržan od Američke agencije za međunarodni razvoj (USAID). ■

Odnos između mladih i države je poput propalog braka



Sarajevo je 23. septembra bilo domaćin Jadranskog foruma mladih, a među učesnicima su bili i predstavnici Instituta za razvoj mladih KULT.

U otvorenom dijalogu kroz četiri sesije, panelisti iz nekoliko zemalja i raznovrsnih zanimanja govorili su o problemima mladih.

Jadranski forum mladih u Velikoj kongresnoj dvorani hotela Radon Plaza otvoren je sesijom „Mladi u magli“ na kojoj je govorio i Jasmin Bešić, izvršni direktor Instituta za razvoj mladih „KULT“.

„Odnos između mladih i države je poput propalog braka. Država je napustila mlade, a onda su i oni odlučili napustiti nju“ – poručio je Jasmin Bešić, izvršni direktor Instituta za razvoj mladih KULT.

Održane su i sesije „Putokazi“, „Sarajevski razgovori“, „Jadranski dijalog“ i „Miha Pogačnik“, a kroz svaku su naglašene potrebe izmjene obrazovnog sistema, kreiranje povoljnijeg ambijenta za razvoj mladih, te neophodnosti pružanja boljih prilika ovoj populaciji.

Jadranski forum mladih bio je jedinstvena prilika da na jednom mjestu govore oni koji imaju obavezu baviti se budućnošću mladih. ■

Nama treba više pažnje, poručili mladi kandidatima za Općinsko vijeće Ilidža



Institut za razvoj mladih KULT i Obrazovno-raznodni centar za mlade SPAJALICA organizovali su 29. septembra 2016. godine „Kafa sa...mladim i kandidatima za Općinsko vijeće Ilidža“.

„Kafa sa...“ bila je prilika da kandidati predstave programe namijenjene mladim, dok su mladi kandidatima mogli postaviti pitanja, te ukazati na probleme sa kojim se ova populacija susreće.

„Općina nam mora pružiti više prilika. Mora nam omogućiti više neformalnog obrazovanja i prakse u struci. Mora nam pomoći da budemo spremni za tržište

rada“ – poručila je *Edina*, jedna od učesnica.

Svoje programe predstavili su kandidati Stranke demokratske akcije (SDA), Socijaldemokratske partije (SDP), Demokratske fronte (DF), te Naše stranke i Prve stranke. Svi su kandidati obećali da će, ukoliko dobiju priliku, više pažnje posvetiti mladim i njihovim problemima.

Glavne teme dijaloga između mladih i kandidata bile su zapošljavanje, obrazovanje i mobilnost mladih. ■

Prevelika zaštita štetna je za dijete, poručio dr. Rajović roditeljima

Institut za razvoj mladih KULT u saradnji sa Udruženjem doktora medicine organizovao je seminar i predavanje čiji je predavač bio *dr. Ranko Rajović*.

Seminar „**Razvoj inteligencije kroz igru - NTC sistem učenja**“ i predavanje održani su 22. septembra 2016. godine u Multimedijalnoj Sali Općine Ilidža.

NTC sistem učenja je specijalizovani program za edukaciju roditelja, odgajatelja i učitelja, koji usvojeno znanje i vještine mogu da primijene u svakodnevnim aktivnostima u radu sa djecom.



“Prevelika zaštita djece je štetna za dijete. Dijete mora da hoda, da do pete godine razvije vještine koje će ga učiniti spretnijim. Nemojte djeci zabranjivati da skaču, da se vrte, da se igraju u blatu. Zabranjivanjem im nanosite više štete nego koristi, jer tim zabranjivanjem usporavate razvoj djetetovog mozga” – poručio je roditeljima *dr. Ranko Rajović*.

Višesatnom seminaru „**Razvoj inteligencije kroz igru - NTC sistem učenja**“ prethodilo je kratko predavanje koje je za sve posjetioce bilo besplatno. Učesnici/ce predavanja imali su priliku kroz interakciju sa *dr. Rajovićem* više saznati o drugačijem sistemu odgoja djece, onom koji podrazumijeva učenje kroz igru.

“Predavanje je bilo vrlo zanimljivo i inspirativno. Nakon ovog ću razmisliti o izmjeni svojih odgojnih metoda”, kazala je *Selma*, učesnica predavanja.

Dr. Ranko Rajović jedan je od najpopularnijih stručnjaka za rani razvoj inteligencije kod djece čiji se program učenja **“Nikola Tesla centar”** realizuje u 20 država.

Dr. Rajović je osnivač MENSE Jugoslavije (danas Srbije) i odsjeka za darovite NTC (Nikola Tesla centar), član Borda direktora svjetske MENSE i predsjednik Komiteta svjetske MENSE za darovitu djecu.

Seminar i predavanja bili su odlična prilika za sve roditelje, prosvjetne i obrazovne radnike da nauče nešto novo o odgoju, obrazovanju i mentalnom razvoju djece. ■

"Večer sa prijateljima" - druženje za prijatelje i poslovne partnere

Institut za razvoj mladih KULT organizovao je 07. septembra 2016. godine „**Večer sa prijateljima**“ kako bi se prijateljima i partnerima zahvalio na dugogodišnjoj podršci i saradnji.

*"Ovo druženje je organizovano za sve naše drage prijatelje i zato smo ga tako simbolično i nazvali „**Večer sa prijateljima**“. Htjeli smo na jedan drugačiji i neformalan način, predstaviti naš dosadašnji rad, a da to nije klasično suho predstavljanje postignutih rezultata, već da ljudi koji su nam dragi i koji su bitni za Institut, zajedno sa nama uživaju u onome što je do sada postignuto, a sve kroz jedno opuštено druženje”* – istakao je Jasmin Bešić, izvršni direktor Instituta za razvoj mladih KULT.

U okviru dešavanja "**Večer sa prijateljima**" prikazan je film o Institutu za razvoj mladih KULT, u kojem su o njegovom početku i onome gdje je sad govorili njegovi uposlenici. Prisutni su uživali i u muzičkim izvedbama mladih članova Muzičkog ateljea Bosne i Hercegovine, te nastupu stand up komičara *Filipa Andronika*.

Institut za razvoj mladih KULT osnovan je prije četrnaest godina u namjeri da ukažu na probleme s kojima se suočavaju mladi i pomogne njihovom rješavanju, a do sada je sarađivao sa više od 50.000 mladih.

Kroz razne neformalne obuke, savjetovanja, kurseve, seminare, radionice, okrugle stolove, brošure i radne materijale, od svog osnivanja pomaže mladima, udruženjima, neformalnim grupama i drugim zainteresiranim subjektima da postanu priznatim članovima društva koji su spremni preuzeti odgovornost i zalagati se za poboljšanje životnog položaja. ■





H.O. MUSLIMANSKO DOBROTVORNO DRUŠTVO – MERHAMET DOBOJ

Ul. Kralja Aleksandra 17, 74000 Dobož
Tel./fax: +387 53 226 886
E-mail: merhamet.dobož@cutuk.net
FB: www.facebook.com/Merhamet-Dobož

- ✦ U kancelariji HO Merhamet MDD Dobož održan je sastanak sa predsjednikom Merhameta Sarajevo i direktorom Regionalnog Odbora Banja Luka.



- ✦ Avdić Faketa je prisustvovala potpisivanju ugovora sa opštinom Dobož za projekat "Pomoć starim i bolesnim osobama koje žive same."



- ✦ H.O. "Merhamet" MDD Dobož u subotu 03.09.2016. godine izvršio je raspodjelu humanitarne pomoći za 400. porodica. U nedjelju 04.09.2016. godine podijeljena je rabljena garderoba.



- ✦ U subota 17. septembra 2016. godine u 9 h je počela Mektebska nastava u džamiji Trnjak sa uvažnim Adil ef. Rudanovićem."Merhamet" svojim skromnim paketićem uvijek obrađuje polaznike kojih je bilo nešto manje od trideset.



✦ Okrugli sto osoba sa invaliditetom "Ponosni na sebe" Borba za pravedno društvo na kojoj je učešće uzela i Avdić Faketa.



✦ Javna tribina koju je organizovao Topeer "Ćirina stanica" na kojoj je prisustvovala Avdić Faketa.



✦ Naš stalni donator Sendy je u četvrtak 22. septembra 2016. godine uručio novu donaciju kada je izvršena raspodjela nove garderobe.



✦ Utorak je izvršena raspodjela kurbanskog mesa. Zahvaljujemo se donatoru Islamic Relief za isporučeno meso.



✿ Sastanak
Koalicije
Tolerantno i
pozitivno iz
Doboja





✿ Forum žena PDP organizovao okrugli sto pod nazivom „Preporuke za uvođenje rodno odgovornog budžetiranja na lokalnom nivou“.

✿ Implementiran je projekat Ministarstva porodice, omladine i sporta RS-a., čiji je koordinator volonterka "Merhameta" Dobojska Mirnesa Bećirodobašić a projekat nosi naziv "Volontiraj za bolje sutra".



✿ 23. septembra 2016. godine su volonterke "Merhameta" učestovale u akciji anketiranja građana grada Doboja za predizborni etički kodeks. Ova akcija imala je za cilj informisati i podsjetiti građane da su političke stranke grada Doboja potpisale predizborni etički kodeks i na taj način se obavezale na demokratsku i civilizovanu kampanju. Prilikom anketiranja, građanima su dijeljeni primjerci etičkog kodeksa uz poziv da uočavaju eventualna kršenja i prijavljuju ih nadležnim tijelima, medijima i nevladinim organizacijama. Nakon završene ankete upriličeno je fotografisanje aktivista i volontera. Koalicija TPD ovom akcijom želi dati doprinos inicijativama koje promovišu mir, toleranciju i dijalog u svim segmentima života u našem gradu a i šire.





ZDRAVO DA STE

Ul. Sime Matavulja 2, 78000 Banja Luka
Tel./fax: +387 51 218 363
E-mail: info@zdravodaste.org
Web: www.zdravodaste.org

„Centri za mlade u zajednici - CeZaM“ je projekt finansiran od strane EU u okviru programa prekogranične saradnje Hrvatska - Bosna i Hercegovina. Vodeći partner u projektu sa BiH strane je NVO „Zdravo da ste“ iz Banja Luke, dok je vodeći partner u Hrvatskoj Rehabilitacijski centar za stres i traumu iz Zagreba. Trajanje projekta je 24 mjeseca – datum početka je 4. april 2015, a predviđeni datum završetka projekta je 3. april 2017. Projekt se provodi u prekograničnoj regiji Pounja i uključuje sa BiH strane opštine Novi Grad, Kostajnicu i Kozarsku Dubicu, a sa hrvatske strane Grad Hrvatsku Kostajnicu te općine Dvor i Hrvatska Dubica.

Glavni cilj projekta „Centri za mlade u zajednici CeZaM“ je unaprijediti kvalitetu života i socijalno uključivanje mladih u pograničnoj regiji Pounja. Svrha projekta je unaprijediti dostupnost usluga u zajednici mladima koji žive u području implementacije projekta i osnažiti aktivizam i učešće mladih u životu lokalnih zajednica u kojima žive. U sklopu ovog projekta, otvoreni su Centri za mlade u Hrvatskoj Kostajnici i Kostajnici (BiH) te Info centri za mlade u Hrvatskoj Dubici, Kozarskoj Dubici, Dvoru i Novom Gradu.

CENTRI ZA MLADE
U ZAJEDNICI
CeZaM



Svi Info centra svakodnevno plasiraju mladima u svojim lokalnim zajednicama, a i šire, razne korisne informacije vezane za školu, studije, kampove, seminare, stipendije itd.

Cilj svih Info centara kao i Centara za mlade je zapravo privući što veći broj mladih ljudi i na taj način ih usmjeravati i pomoći im u daljnjoj interakciji (vezano za prijave za posao, životopise, instrukcije za učenike, sve zavisno od uzrasta).

Info centar za mlade Novi Grad, je organizovao niz radionica od početka samog projekta (muzičke, dramske, kreativne, italijanski jezik, kao i tromjesečnu radionicu fotografije). Fotografije koje su nastale na pomenutoj radionici bile su izložene u svih šest Info centara te odlično posjećene. Takođe je bila i gostujuća radionica iz Hrvatske za djecu vrtića (vesela joga). U mjesecu septembru/rujnu organizovane su dvije redovne mjesečne radionice, koje su ovaj put realizovane za četvrti razred u OŠ „Sveti Sava“ Novi Grad/Bosanski Novi. Radionice su bile dramskog i kreativnog karaktera.



Info centar za mlade Kostajnica je do sada posjetilo oko 110 učesnika. Učestvovali su na raznim radionicama: muzička, dramska, kreativna, engleski jezik, klub volontera i "svaštara"- radionica koja obuhvata socijalna prava mladih, ekološke i mnoge druge oblasti, dok je bilo i nekoliko gostujućih radionica iz Republike Hrvatske.

Takođe, Centar za mlade Kostajnica učestvuje u organizaciji raznih opštinskih manifestacija kao što su Ljeto na Uni, Kestenijada i sl.

Info centar za mlade Kozarska Dubica takođe realizuje sve vidove već gore pomenutih radionica koje su veoma dobro posjećene i gdje uvijek ima novih zainteresovanih za ponuđene oblasti. Najviše su zastupljene dramska radionica i Italijanski jezik. U septembru/rujnu mjesecu ove godine je održana još jedna besplatna dramska radionica kao i dodjela diploma A2 stepena učesnicima kursa italijanskog jezika. Do kraja projekta je planirano da se i dalje održavaju radionice i kursevi

Aktivnosti unutar Centra za mlade Hrvatska Kostajnica možemo podijeliti u nekoliko skupina – socijalizacijske, edukacijske i kreativne. U Centru za mlade postoji nekoliko voditelja koji drže različite radionice kao što su fitness, yoga, filmska, likovna te kreativna radionica. Centar za mlade Hrvatska Kostajnica uključuje se i u razne preventivne programe, kao što je borba protiv ovisnosti, alkoholizam te drže predavanja na temu prevencije ovisnosti u osnovnim školama, kako bi upozorili i senzibilizirali javnost na ovaj ozbiljni problem s kojim se susreće sve više mladih.

Kako bi privukli što više mladih, Centar za mlade Hrvatska Kostajnica, u veljači je organizirao turnir u stolnom tenisu, na kojem su mogli sudjelovati mladi iz svih Centara i Info centara.

Rad Centara i Info centara za mlade predstavljen je učenicima osnovnih i srednjih škola u pounjskoj regiji te su na taj način mladi pozvani na sudjelovanje na besplatnim radionicama. U sklopu promocije Centra za mlade, u OŠ Davorina Trstenjaka u Hrvatskoj Kostajnici, snimljena je i radijska emisija za mlade Zašto tako, na kojoj su mladi polaznici radionica iznosili svoja mišljenja o životu na ovom području. Također, u sklopu projekta, održavaju se i prekogranične radionice u suradnji s Centrom za mlade Kostajnica (BiH), a prva od njih je bila u Dvoru, 25. siječnja, a zatim u Hrvatskoj Dubici 23. travnja, a zadnja u Kostajnici (BiH) 7. srpnja.

Takođe, u mjesecu avgustu/kolovozu je Nacionalni park Kozara 5 (pet) dana (8 – 12.) bio domaćin Kampa za mlade na kojem je bilo oko 30 učesnika.

Kamp je realizovan takođe u sklopu projekta Centri za mladi u zajednici (CeZaM).

U okviru pomenutog kampa je organizovano pet različitih radionica: muzička, dramska, ekološka, radionica stripa i sportska. Radionice su realizovane u jutarnjim i poslijepodnevnim časovima u trajanju od po tri sata za svaku pojedinačno.

Radionice kao i kamp bili su izuzetno uspješni i zaista sjajno organizovani što se moglo zaključiti iz evaluacije i slobodnih komentara učesnika po završetku samog kampa te zadovoljstvu djece na radionicama. ■



SAOPŠTENJA/INFORMACIJE/ DONATORI/POZIVI



TI BiH Akademija političkog osnaživanja žena 2016.

Sarajevo 13-14.10.2016

Transparency International Bosne i Hercegovine (TI BiH) organizuje **TI BiH Akademiju političkog osnaživanja žena (TI BiH Akademija)**. U sklopu dvodnevni predavanja i vježbi, polaznice će se moći upoznati sa temama:

1. Učešće žena u politici (Predavačica: Tanja Topić);
2. Uloga integriteta i transparentnosti u politici (Predavač: Srđan Blagovčanin);
3. Liderstvo i politika (Predavačica: Edita Miftari).

TI BiH Akademija će, pored Sarajeva, takođe biti održana u Tuzli (27. i 28. oktobra) i u Banjaluci (3. i 4. Novembra). TI BiH Akademija već je održana u Mostaru (22. i 23. septembra). Najbolje polaznice će se još jednom okupiti na završnoj radionici u Banjaluci.

Osnovni cilj TI BiH Akademije je približiti polaznicama teme političkog osnaživanja žena i to:

- uvidom u najnovija teorijska dostignuća i prikazivanjem praktičnih iskustava, čime će se podići svijest i unaprijediti znanje polaznica akademije na izabrane teme,
- i motivisanjem polaznica da budu društveno angažovane, te da u praksi primjenjuju stečena znanja i razvijene analitičke sposobnosti.

Od izabranih polaznica se očekuju da bude posvećene temama, da aktivno učestvuju u diskusijama i da napišu esej koji se odnosi na jednu od obrađivanih tema. Najbolji eseji biće objavljeni u posebno pripremljenoj publikaciji.

Uslovi učešća:

- Polaznice moraju biti izuzetno motivisane za sticanje znanja o temama koje se odnose na političko osnaživanje žena, i ne moraju biti nužno studentice društveno-ekonomskih nauka.
- Polaznice mogu biti srednjoškolke završnih godina i studentice u dobi od 18 do 28 godina.
- Od polaznica se očekuje da budu posvećene, da aktivno učestvuju u diskusijama i radu, te da pročitaju preporučenu literaturu prije početka TI BiH Akademije.
- Sve polaznice su obavezne napisati završni esej na jednu od izabranih tema po dogovoru sa predavačima, a najbolji radovi će po izboru TI BiH biti objavljeni u posebno pripremljenoj publikaciji.
- Prednost u izboru polaznica imaće studentice i srednjoškolke koje dolaze iz marginalizovanih grupa.

Metodologija i način rada:

TI BiH Akademija će zasnivati svoj rad na stručnim predavanjima i diskusijama koje će moderirati predavači radi što aktivnijeg učešća polaznica u samom radu. TI BiH Akademija će biti organizovana kroz intenzivni dvodnevni kurs. Sve polaznice će dobiti literaturu koju će biti obavezne unaprijed pročitati, a u svakom gradu je predviđeno učešće 20 polaznica.

Troškovi učešća:

Učešće za odabrane polaznice TI BiH Akademije je besplatno, i to u potpunosti pokriva Transparency International BiH uz podršku Kanadskog fonda za lokalne inicijative. **Transparency International BiH ne pokriva eventualne troškove smještaja, kao ni troškove puta polaznica.**

Način prijavljivanja:

Prijave u vidu kratke biografije i motivacionog pisma slati na adresu tibihakademija@ti-bih.org najkasnije do 10.10.2016. godine za TI BIH Akademiju koja će održati u Sarajevu 13. i 14.10.2016.

Za sva dodatna pitanja i informacije možete nas kontaktirati na: **051/224-520**. Kontakt osobe su **Milena Mastalo i Marko Vujić**.

Anne Frank Fondovi: Projekti za izgradnju mira u svijetu

Kranji rok: U toku

Fond Anne Frank poziva zainteresovane i kvalifikovane organizacije za finansiranje projekata namijenjenih održavanju i izgradnji mira među ljudima širom svijeta,

Cilj fonda je doprinos boljem razumijevanju među religijama, da podrži mir među ljudima i da podstakne međunarodne kontakte među mladima.

Prioritetna područja

- Promocija mira
- Uspostavljanje kulturalnih, religijskih i interetničkih veza veza među ljudima
- Edukacija djece i tinejdžera
- Borba protiv rasizma, predsrasuda i nasilja
- Ženska i dječija prava
- Pomoć izbjeglicama
- Preživjeli holokausta

Kriteriji:

Svi dobrotvorni i edukacioni projekti širom svijeta su kvalifikovani da apliciraju za donaciju.

Kako aplicirati:

Aplikacije moraju biti podnesene on – line na web stranici: <http://www.annefrank.ch/application.html>

Za više informacija molimo vas da posjetite: [Anne Frank Fonds](#).

Zaposlite se na portalu Klix.ba

Potrebni novinari, sales agent, dopisnik i snimatelj

Najposjećeniji informativni portal u Bosni i Hercegovini redovno prima nove radnike. Treba vam posao i ispunjavate potrebne kvalifikacije? Prijavite se na jednu od sljedećih pozicija. Sve prijave sa CV-om i pismom namjere slati na e-mail posao@klix.ba. Konkursi su otvoreni do daljnjeg. Samo oni kandidati koji uđu u uži krug će biti pozvani na razgovor.

2 x novinar, Sarajevo

Posao novinara podrazumijeva pisanje autorskih vijesti i tema iz politike, društva, biznisa, kulture ili crne hronike te prevođenje vijesti sa svjetskih medija na engleskom jeziku. Tražimo poznavanje rada na računaru, engleski jezik, pismenost, opće obrazovanje i informisanost te sposobnost prepoznavanja važnih vijesti. Želite li aplicirati za poziciju novinara, molimo da uz biografiju i pismo namjere pošaljite i tri autorska teksta po izboru.

1 x sales agent, Sarajevo

Posao sales agenta na portalu Klix.ba podrazumijeva prodaju oglasnog prostora, odnosno banneri svim postojećim i novim klijentima na bh. i inostranom tržištu. Zahtjevamo poznavanje rada na računaru, internetu, engleski jezik i poznavanje tržišta oglašavanja.

1 x dopisnik, Mostar

Posao dopisnika iz Mostara uključuje pisanje autorskih vijesti i tema iz Mostara i okolice. Prednost imaju kandidati koji posjeduju i foto-aparat. Tražimo poznavanje rada na računaru, engleski jezik, pismenost, opće obrazovanje i informisanost te sposobnost prepoznavanja važnih vijesti. Želite li aplicirati za poziciju novinara, molimo da uz biografiju i pismo namjere pošaljite i tri autorska teksta po izboru.

1 x snimatelj/montažer, Sarajevo

Posao snimatelja/montažera podrazumijeva brigu o video sadržaju, snimanje, montiranje, obrada. Uz biografiju poslati i vaše video uratke.

Klix.ba je najposjećeniji internet portal u Bosni i Hercegovini s dugogodišnjom tradicijom. Osnovan je 2000. godine, a danas ima 35 zaposlenih i lider je u medijskom i marketinškom internet tržištu BiH. Prema podacima Gemiusa, koji je standard za online mjerenje publike u BiH, Klix.ba posjećuje više od 600 hiljada različitih čitatelja iz BiH svaki mjesec i medij je na kojem Bosanci i Hercegovci provode najviše vremena. S druge strane, prema Google Analyticsu, Klix.ba ima više od 3 miliona 'users' (različitih uređaja s kojih se pristupa portalu). Osim toga, Klix.ba ima i najpopularnije news aplikacije za iOS i Android u BiH, koje koristi čak 100.000 čitatelja. [Više...](#)

UNSA: Konkurs za prijem studenata za obuku i funkciju internih auditora EFSA – 15 pozicija

Ekonomski fakultet Univerziteta u Sarajevu raspisao je Konkurs za prijem studenata za obuku i funkciju internih auditora EFSA – 15 pozicija.

Jedan od osnovnih zahtjeva na Konvenciji (Luxembourg Student Declaration) održanoj u organizaciji Europske unije studenata (European Student Union ESU/ESIB) jeste veće uključivanje studenata u procese internog i eksternog osiguranja kvaliteta.

Ekonomski fakultet, svjestan značaja praćenja europskih i svjetskih trendova u visokom obrazovanju, već petu godinu pruža priliku studentima da daju svoj doprinos kroz aktivno učešće u procesima osiguranja i upravljanja kvalitetom, saopšteno je sa ovog fakulteta.

Više informacija nalazi se u [Konkursu](#).

Izvor: <http://studomat.ba/uns-a-konkurs-za-prijem-studenata-za-obuku-i-funkciju-internih-auditora-efsa-15-pozicija/62274/>



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:
Omladinski resursni centar Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orcuzla@bih.net.ba
hcatuzla@bih.net.ba

Mjesečni bilten uređuje Omladinski resursni centar - ORC Tuzla

WEB stranica Mreže:
www.omladina-bih.net

Mejling lista Mreže:
posta@omladina-bih.net

Webmaster:
emir.delalic@gmail.com